



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Vita & Rebus gestis P. Petri Canisii, De Societate Jesv,
Commentarii**

Sacchini, Francesco

Ingolstadii, 1616

Anno circiter XV. Coloniam adit.

urn:nbn:de:hbz:466:1-41515

Postulat di-
vinitatem dei
Etiam.

ret. Et quidem cū in S. Stephani, quod princeps
Nouiomagi est templum, quondam sacrosan-
ctum Christi corpus prope summum altare sup-
plex adoraret, adfuit lux quædam vberior, adeoq;
clarè sub oculos posuit circumdata peccatorū dis-
crimina, & ruinæ occasiones, vt magno angore, &
fluētibus lacrymis institerit obsecrare Dominum,
vt periclitanti sibi adesset, monstraretque, quam
insistere viam deberet, vt saluus euaderet. Quæ de-
inde Colonie, iam apud aureos Martyres (sanctum
Gereonem hodie vocant) degenti frequens redi-
bat cogitatio, & ardens studium, votumque, sæpe
enim interioribus incitabatur stimulis, vt percu-
peret, atque anxius peteret, vt sibi gratia Dei præi-
ret dux ad certum vitæ cognoscendum ac deligē-
dum genus, quod & ipsi Deo gratum, & salutife-
rum sibi foret: idem quod Propheta, quanquam
non verbis iisdem precans. Vias tuas Domine de-
monstra mihi, & semitas tuas edoce me: & dirige
me in veritate tua, & doce me, quia tu es Deus Sal-
uator meus. Hæc indoles, hoc diuinæ gratiæ Ma-
gisterium erat.

Ann. circiter
15. Coloniæ
adit.

Humana verò institutio, ac disciplina puerilis
hæc fuit. Sub annū ætatis quintum decimum, cū
iam

iam nec ingenij culture, nec morum cōmoda esset in patria cōmoratio, Coloniā missus est, vt procul à raptoribus horarum bonarū domesticis, & sodaliū corruptela, sub idoneis Magistris vtraq; excoleret, ac perficeret. Plus annis decē mansit Coloniæ, non tamen sine interiectis subinde peregrinationibus. Primis annis domicilium apud aureos Martyres habuit, in hospitio venerabilis Theologi Andreæ Barduik, Magistrum autem, ac Patris loco diuina prouidentia, quasi Ananiam Paulo præpararat Sacerdotem haud indifertum, sed eundem probatissima vita Nicolaum Eschium, iis maximè deditum studiis, quæ animū ad diuina sustollunt, & Theologia mystica continentur. Quo in genere conscriptas ab eo postea exercitationes quasdam Spiritus, cum bona operis, & auctoris commendatione Laurētius Surius euulgauit. Hic & sua sponte ad morum magis, quàm ingeniorū expolitionem intentus, & inuitatus bonitate adolescentis, multò enixius meliorem illam magisterij partem ad virtutis cōformationem exequi coepit. Assiduus lateri adhærebat simul innocentia custos, simul perfectionis Euangelicæ fator. Simplici, integroque pectori, quasi nitidæ membranæ, puræq; tabu-

*Instituitur
à Nicolao E.
schio sanctif-
simo.*